

Text in Mundart

Luegt mer vom Züriberg chli schräg abe, dänn gseet mer als erschts d'groos Pauluschile.

Wämmer chli wiiter hindere lugt, gseet mer namal es grosses alts Huus.

S'Milchbuckschuelhuus. Wämmer sich jetzt losgaat und am Wäg ist Tal folgt, chunnt mer über de oberi Teil vom Irchel, womer nomal ä super Ussicht hät. Deet tüend im Winter chlii und gross zäme schlittle. Ich chan mich no guet draa erinnere. Lauft mer jetzt am Altersheim verbii und de steile Wäg durab, tuend eim Zäche scho chli weh, wämmer kein gueti Schue hät. Jetzt isch mer a de Langmuurstrass, wo mer am Samschig sicher immer wider Chind gseet id Jubla rännä. Überquert mer d'Schtraas und lauft de chlihi

Chopfschteipflaschterabschnitt durab, so schtaat mer vorem Jugi wo de Humberto leitet, wo sich am Frütig z'abig alli 12 - 14jährige chönd traffe. Wiiter une, am Ändi vo de grosse Paulus-Schtäge, trifft mer sicher die eltere Jungs vo de Sidlig aa, wo chli am umehänge sind. Meischtens uf de Lääne vom Bänkli hockend's am Trottuarrand. Wiiter vorne isch dänn Glaasentsorgig und de Coop. Mer gseet na oft, dass zwei Eltereteil aahaltet zum mitenander es Pläuschli z'halte. Uf dä andere Siite vo de Schaffhuuserschtrass isch de Kiosk. Die 8 - 10jährige Chind chömed hurti über'd Schtrass zum nomal es Pächli Sammelcharte oder en Schläckschtängel z'chrömlen. Näbeddranne isch's D'Amitschi, s'Iteliänische Reschterant, umgää vome groose Haag, doch mer verbii lauft ghört mer d'Lüüt lache und luschtig pläuderle. Jetzt schtaat mier vorem Schuelhuus vomer no gäng meine chönnt, es seh e Fabrik, dochs blaue Chlättergrüsch und d'Hortleiter wo nach den Chinde rüfed zeigt klar und dütli, dass das e Schuel isch. Hindedraa isch de Fuessballplatz. Zwar hätts zwei Pavillions uf em Platz, doch gliich äts no gnueg Platz zum tschuute. Am Rand vom Platz häs Hääg, wo guet als Verschteck dienet oder als gföörlige Dschungel für chliini Entdecker. So, jetzt bini dihei. Aber bini ufem Wäg nöd scho di ganz Ziit dihei gsii...?

Selina Rohr, 14 Jahre, Tochter von Daniel Rohr

smeili222@hotmail.com